

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**ДОМ НАРОДА
ПРЕДСТАВНИЧКИ ДОМ**

Привремена заједничка комисија оба дома
Парламентарне скупштине Босне и Херцеговине
за провођење процедуре
за избор три члана Управног одбора
Агенције за развој високог образовања и
осигуравање квалитета

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**

Privremena zajednička komisija oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvaliteta
Privremeno zajedničko povjerenstvo oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvalitete

Број/Број: 01,02-50-1-49-5/10
Сарајево/Sarajevo 18.1.2010. godine

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 22. 1. 2010.

Organizaciona jedinica	Klasifikaciona oznaka	Redni broj	Broj priloga

B

**-PREDSTAVNIČKOM DOMU
-DOMU NARODA
PARLAMENTARNE SKUPŠTINE BiH**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i čl. 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine Bosne i Hercegovine za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta, na 5. sjednici, održanoj 18.1.2010., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju Prijedloga jedinstvene rang liste kandidata za izbor tri člana Upravnog odbora Agencije za razvoj visokog obrazovanja i osiguravanje kvaliteta

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta

Parlamentarna skupština BiH je, na 62. sjednici Predstavničkog doma Parlamentarne skupštine BiH, održanoj 18.10.2009. godine, i na 37. sjednici Doma naroda, održanoj 19.10.2009. godine, imenovala članove Privremene zajedničke komisije oba doma Parlamentarne skupštine Bosne i Hercegovine za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta (u daljem tekstu: Komisija), koju čine:

Sead Jamakosmanović, Martin Raguž i Branko Dokić iz Predstavničkog doma, te Hilmo Neimarlija, Ivo Miro Jović i Drago Ljubičić iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Sl.glasnik BiH", br. 37/03), zadatak Komisije bio je da sačini potreban akt o svom radu, te provede dalju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala pet sjednica.

Konstitutivna sjednica održana je 3.11.2009. godine. Na ovoj sjednici članovi Komisije jednoglasno su za predsjedavajućeg izabrali Martina Raguža, za prvog zamjenika predsjedavajućeg Dragu Ljubičića, te za drugog zamjenika Seada Jamakosmanovića. S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je, na 2. sjednici, održanoj 9.11.2009., usvojila Poslovnik o radu. Poslovnikom o radu propisan je način rada, raspisivanje i uslovi Javnog konkursa, dokumenti koji se prilažu uz prijavu, rad po završetku javnog konkursa, intervju-javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. 7. do 10. Poslovnika, Komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

- "Oslobođenju", "Večernjem listu", "Nezavisnim novinama" i "Službenom glasniku BiH", br. 90/09., 17. novembra 2009., a u "Službenom glasniku Brčko Distrikta BiH" 20. novembra 2009., te na veb-stranici Parlamentarne skupštine BiH.

Rok za podnošenje prijava na Javni konkurs bio je (zaključno) 2. decembar 2009.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i potpunosti prijave kandidata s dostavljenom dokumentacijom.

U ovoj fazi rada Komisija je konstatirala da se na Javni konkurs prijavilo 14 kandidata, i to:

1. Abadžić Hodžić Aida,
2. Čamur Biljana,

3. Čičić Muris,
4. Kapetanović Izudin,
5. Kenjić Vanja,
6. Lasić Mile,
7. Majstorović Vlado,
8. Skočibušić Siniša,
9. Stojanović Aleksandar,
10. Šeparović Vlatko,
11. Vranić Alma,
12. Popić Miljan,
13. Pašić Zijad i
14. Refik Šahinović.

Komisija je, na 3. sjednici, održanoj 15.12.2009., pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata, Komisija je utvrdila da prijave jedanaest kandidata ispunjavaju sve uslove a da prijave trojice kandidata ne ispunjavaju uslove predviđene konkursom i to:

1. Popić Miljan (nije dostavio validan dokaz o poznavanju engleskog jezika);
2. Zijad Pašić (nije dostavio dokaz o poznavanju engleskog jezika);
3. Refik Šahinović (prijava nije podnesena u predviđenom roku).

Komisija je u skladu s navedenim kandidatima uputila pozive za intervju, odnosno obavijesti kandidatima koji ne ispunjavaju uslove iz Javnog konkursa.

Kandidat Popić Miljan je, dana 23.11.2009., podnio žalbu na obavijest Komisije. Navedenu žalbu Komisija je razmatrala na 4. sjednici, održanoj 28.12.2009., i nakon uvida u argumentaciju priloženu uz žalbu, donijela odluku da se prijava kandidata Popić Miljana treba prihvatiti, te da se kandidatu uputi poziv na intervju.

Komisija je na intervju pozvala dvanaest kandidata uz napomenu da je kandidatkinja Čamur Biljana u međuvremenu poslala obavijest o odustajanju od intervjuja i zahtjev za povrat lične dokumentacije.

U skladu s članom 12. Poslovnika o radu Komisije, kandidati koji ispunjavaju uslove Javnog konkursa bili su pozvani na intervju. O datumu, vremenu i mjestu održavanja intervjuja svi kandidati pismeno su obaviješteni.

Komisija je 29.12.2009., obavila intervju- javno saslušanje kandidata.

Intervjuu se odazvalo svih jedanaest pozvanih kandidata.

Komisija je u skladu s članom 12. Poslovnika o radu, sačinila obrasce koje su kandidati ispunili prije intervjuja, a koji se tiču podataka o ranijim rukovodiocima od kojih je moguće dobiti preporuke te eventualnih pitanja koja bi mogla dovesti do sukoba interesa ukoliko kandidat bude izabran za član Upravnog odbora.

Komisija je također, u skladu s članom 13. Poslovnika o radu, sačinila obrazac-tabelu za ocjenjivanje svakog kandidata od prisutnih članova Komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga jedinstvene liste kandidata

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog jedinstvene liste kandidata s tačnim brojem Zakonom propisanih pozicija, odnosno Prijedlog jedinstvene liste od tri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i zvanje redovnog univerzitetskog profesora za najmanje jednog kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga jedinstvene liste za Upravni odbor, u daljnjem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate iz jedinstvene liste.

IV. 1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH Jedinstvenu listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik iz bošnjačkog, srpskog i hrvatskog naroda, te da najmanje jedan od njih mora imati zvanje redovnog univerzitetskog profesora, kako je to propisano članom 51. stav (8) i (11) Okvirnog zakona o visokom obrazovanju u BiH, to je u nastavku utvrdila prijedlog navedene liste:

PRIJEDLOG JEDINSTVENE LISTE OD TRI KANDIDATA ZA IMENOVANJE ČLANOVA UPRAVNOG ODBORA AGENCIJE ZA RAZVOJ VISOKOG OBRAZOVANJA I OSIGURAVANJE KVALITETA

Redni broj	Kandidat	Pripadnost narodu	Broj bodova
1.	Aida Abadžić Hodžić	B	99
2.	Vlado Majstorović	H	99
3.	Miljan Popić	S	94

IV. 2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	Aida Abadžić Hodžić	B	99
2.	Vlado Majstorović	H	99
3.	Miljan Popić	S	94
4.	Muris Čičić	B	93
5.	Izudin Kapetanović	B	92
6.	Aleksandar Stojanović	S	90
7.	Vanja Kenjić	B	87
8.	Mile Lasić	H	86
9.	Siniša Skočibušić	H	84
10.	Alma Vranić	B	84
11.	Vlatko Šeparović	H	80

V. Dostavljanje prijedloga jedinstvene liste kandidata u parlamentarnu proceduru

U skladu sa zakonskim i poslovničkim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguravanje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Martin Raguž, predsjedavajući Komisije,
- iz Doma naroda – Drago Ljubičić, prvi zamjenik predsjedavajućeg Komisije.



Dostaviti:

- Kolegiju Predstavničkog doma;
- a/a